



PEJABAT PENDAFTAR
REGISTRAR OFFICE

Rujukan Kami : UPM.PEND.100-1/5/1 (3)
Tarikh : 10 Mei 2022

PEKELILING PERKHIDMATAN UNIVERSITI PUTRA MALAYSIA
BILANGAN 2 TAHUN 2022

PENAMBAHBAIKAN PERATURAN PENGESAHAN SIJIL SAKIT SWASTA

TUJUAN

1. Pekeling Perkhidmatan ini bertujuan untuk Universiti Putra Malaysia (UPM) menerima pakai dengan pindaan surat edaran dari Jabatan Perkhidmatan Awam Rujukan Surat: JPA.SARAAN (S) 43.34 Jld.3 (24) bertarikh 18 Februari 2022 berkaitan Penambahbaikan Peraturan Pengesahan Sijil Sakit Swasta Yang Melebihi 15 Hari Bagi Rawatan Pesakit Luar Oleh Pegawai Perubatan Kerajaan.

LATAR BELAKANG

2. UPM telah menerima pakai Pekeling Perkhidmatan Bilangan 2 Tahun 2006 (PP02/2006) - Pindaan Peraturan Berkaitan Penerimaan Sijil Sakit Swasta Untuk Tujuan Kemudahan Cuti Sakit melalui kelulusan Mesyuarat Lembaga Pengarah Universiti Minit 53/08.

3. PP02/2006 memperuntukan bahawa Ketua Jabatan boleh menerima sijil sakit swasta tanpa tandatangan timbal oleh Pegawai Perubatan Kerajaan sekiranya:

- a. Berjumlah tidak melebihi 15 hari dalam suatu tahun kalender bagi pegawai yang menerima rawatan sebagai **pesakit luar** di hospital atau klinik swasta;
- b. Berjumlah tidak melebihi 180 hari dalam suatu tahun kalender bagi pegawai yang menerima rawatan sebagai **pesakit dalam** di hospital atau klinik swasta; dan
- c. Jumlah Cuti Sakit sama ada berdasarkan Sijil Sakit Swasta Atau Sijil Sakit Kerajaan adalah tidak melebihi 180 hari dalam suatu tahun kalender, di mana 90 hari pertama boleh diluluskan oleh Ketua Jabatan dan 90 hari seterusnya hendaklah diluluskan oleh Ketua Setiausaha.

4. Seiring dengan hasrat Kerajaan untuk menambah baik peraturan sedia ada selaras dengan perubahan trend keperluan hidup semasa dan polisi Kerajaan yang menggalakkan penggunaan perkhidmatan sektor swasta, UPM bersetuju untuk menerima pakai dengan pindaan Pekeliling Perkhidmatan Sumber Manusia (MyPPSM) Saraan Ceraian Kemudahan Cuti SR.5.4.5: Peraturan Berkaitan Penerimaan Cuti Sakit Swasta Untuk Kemudahan Cuti Sakit.
5. Pindaan 18 Februari 2022 pada Ceraian SR.5.4.5 menyatakan Ketua Pusat Tanggungjawab (PTJ) boleh menerima sijil sakit swasta bagi rawatan pesakit luar tanpa tandatangan timbal oleh Pegawai Perubatan Kerajaan tidak melebihi 180 hari dalam suatu tahun kalendar bagi kemudahan Cuti Sakit. Pindaan penambahbaikan peraturan ini dilaksanakan melalui **Ceraian SR.5.4.5 (UPM)**

TARIKH KUAT KUASA

6. Pekeliling Perkhidmatan ini berkuat kuasa mulai 18 Februari 2022.

PEMAKAIAN

7. Lembaga Pengarah Universiti ke-163 bertarikh 29 Mac 2022 melalui Minit 163/11 telah bersetuju meluluskan Pekeliling Perkhidmatan ini diterima pakai di UPM.

"WAWASAN KEMAKMURAN BERSAMA 2030"

"BERILMU BERBAKTI"

Saya yang menjalankan amanah,



(MUHAZAM BIN MANSOR)

Pendaftar
Universiti Putra Malaysia

CERAIAN SR.5.4.5 (UPM)

PERATURAN BERKAITAN PENERIMAAN CUTI SAKIT SWASTA UNTUK TUJUAN KEMUDAHAN CUTI SAKIT

TUJUAN

1. Ceraian ini bertujuan menetapkan peraturan berkaitan penerimaan sijil sakit swasta untuk tujuan meluluskan kemudahan Cuti Sakit.

LATAR BELAKANG

2. Perintah Am 15, Bab C memperuntukkan bahawa Ketua Jabatan boleh menggunakan budi bicaranya untuk menerima sijil sakit yang dikeluarkan oleh doktor swasta bagi tujuan meluluskan Cuti Sakit. Peraturan berkaitan penerimaan sijil sakit swasta tersebut telah diperjelaskan melalui Pekeliling Perkhidmatan Bilangan 2 Tahun 2006: Pindaan Peraturan Berkaitan Penerimaan Sijil Sakit Swasta Untuk Tujuan Meluluskan Kemudahan Cuti Sakit.

PELAKSANAAN

3. Kemudahan Cuti Sakit boleh diluluskan dengan syarat-syarat seperti berikut:
- bagi pegawai yang menerima rawatan sebagai **pesakit luar** di hospital atau klinik swasta, sijil sakit yang dikeluarkan oleh doktor swasta **tanpa tandatangan timbal** oleh Pegawai Perubatan Kerajaan boleh diterima jika ia memberi jumlah Cuti Sakit yang **tidak melebihi 180 hari** dalam suatu tahun kalender; atau
 - bagi pegawai yang menerima rawatan sebagai **pesakit dalam** di hospital atau klinik swasta, sijil sakit yang dikeluarkan oleh doktor swasta **tanpa tandatangan timbal** oleh Pegawai Perubatan Kerajaan boleh diterima jika ia memberi jumlah Cuti Sakit yang **tidak melebihi 180 hari** dalam suatu tahun kalender; dan
 - jumlah Cuti Sakit sama ada berasaskan sijil sakit swasta atau sijil sakit Kerajaan yang boleh diberikan adalah **tidak melebihi 180 hari** dalam suatu tahun kalender, di mana 90 hari pertama boleh diluluskan oleh Ketua Pusat Tanggungjawab dan 90 hari seterusnya hendaklah diluluskan oleh kuasa tertentu (Naib Canselor atau Pendaftar).

SR.5.4.5 (UPM)

TANGGUNGJAWAB KETUA JABATAN

4. Ketua PTJ hendaklah merekodkan kelulusan Cuti Sakit dalam Rekod Kenyataan Perkhidmatan (RKP) pegawai.

PEMBATALAN

5. Dengan berkuat kuasanya Ceraian ini, Pekeliling Perkhidmatan Bilangan 2 Tahun 2006: Pindaan Peraturan Berkaitan Penerimaan Sijil Sakit Swasta Untuk Tujuan Meluluskan Kemudahan Cuti Sakit yang telah diterima pakai oleh Lembaga Pengarah Universiti menerusi Minit 53/08 sebelum ini adalah dibatalkan.

